



Broj: 03/1-50-14-7-16- 10/16  
Sarajevo, 1.2.2016.

**PREDMET: Informacija o održanom sastanku i prezentaciji članova Zajedničke komisije za odbranu i sigurnost BiH s polaznicima 11.kursa Sigurnosne politike BiH, Sarajevo, 7.12.2015.**

Predsjedavajući Zajedničke komisije za odbranu i sigurnost BiH Sifet Podžić i član Zajedničke komisije Bariša Čolak ugostili su 7.12.2015. u zgradi Parlamentarne skupštine BiH polaznike 11. kursa sigurnosne politike, koji se održava u organizaciji Ministarstva sigurnosti BiH i Misije OSCE-a u BiH.

Susretu s polaznicima 11. kursa prisustvovali su i Ljiljana Milićević, sekretarka, i Željko Grubešić, stručni savjetnik u Uredu sekretara Zajedničke komisije.

Tokom susreta, Podžić je učesnicima ovog kursa prezentirao ulogu PSBiH i Zajedničke komisije za odbranu i sigurnost BiH u demokratskoj kontroli i nadzoru nad odbrambenim i sigurnosnim sektorom u Bosni i Hercegovini.

Podžić je prisutne upoznao i s najvažnijim događajima vezanim za osnivanje Zajedničke komisije, te setom zakona kojima se regulira oblast odbrane i sigurnosti na nivou BiH, a za čije je usvajanje bila nadležna ova komisija. Učesnici Kursa upoznati su i sa sastavom Zajedničke komisije i procesom donošenja odluka u njoj, kao i s radom institucija odbrambenog i sigurnosnog sektora nad kojima ova komisija provodi parlamentarni nadzor.

Tokom prezentacije, predsjedavajući Podžić osvrnuo se i na saradnju koju Zajednička komisija ima s međunarodnim organizacijama koje se bave pitanjima odbrane i sigurnosti, kao i s bilateralnim vezama koje je Komisija ostvarila u deset godina svog postojanja.

Na sastanku se razgovaralo i o prioritetima u radu Zajedničke komisije u sektoru odbrane i sigurnosti s ciljem efikasnog parlamentarnog nadzora u 2016. godini. Nakon izlaganja i prezentacija, polaznici 11. kursa razgovarali su s članovima Zajedničke komisije o aktivnostima ZKOS-a u nadzoru nad institucijama i policijskim agencijama u praksi, pri čemu su se posebno interesirali za pripreme, realizaciju i efekte terenskih posjeta.

Predsjedavajući Zajedničke komisije

**Sifet Podžić**

**Dostavljeno:**

- naslovu

- a/a